

## Bajramska poruka Reisu-l-uleme

12/09/2016 10:47 by Administrator

U Bajramskoj poruci povodom nastupajućeg Kurban-bajrama, Reisu-l-ulema Islamske zajednice u BiH, Husein ef. Kavazović, kazao je sljedeće: "Njemu se zahvaljujemo na blagodatima i darovima, na milosti kojom nas obasipa. Neka je mir na Njegova poslanika Muhammeda i sve njegove vjerne sljedbenike.

Danas je dan Arefata a u njemu hadži iz svih dijelova svijeta privode kraju obrede hadža. Danas je veliki dan, dan oprosta kojeg Uzvišeni dariva sinovima i kćerima Ademovim. To je prilika za sve nas da se susretnemo sa sobom i da taj dar otvorena srca primimo i uputimo iskrenu tevbu Svevišnjem. Sutrašnji Kurban-bajram obilježit ćemo namazom i kurbanom. Naš je džamije biti pune vjernika, a srca iskrene radosti. Kurban je prilika da sebi posvijestimo da i naš životni put zahtijeva odricanje i žrtvu. Prisjetimo se Ibrahima, a.s., i njegovih sinova i njihove spremnosti na pokornost Gospodaru svjetova. Također, prisjetimo se i drugih Božijih poslanika (neka je na njih mir i spas) i dobrih ljudi (evlija), naših predaka, koji su svojim životima svjedočili vjeru i nama je prenosili.

Neka to sjećanje bude poziv na ispunjenje obaveza koje imamo, i na solidarnost među nama. Kao i dobri naši prethodnici, mi smo isključivo odgovorni za svoje postupke i za vlastitu sudbinu. Od naše svijesti o toj odgovornosti ovisi kako ćemo je nositi i koliko ćemo biti jaki da upravljamo sobom i svojom sudbinom. Neka nas Kurban-bajram, baš kao mu i ime govori, podsjeti na iskonsko nastojanje da se približimo Allahovoj milosti, ali i bratu i sestri kojima smo potrebni. Smisao kurban jeste da nas približi jedne drugima, da ojača našu porodicu i društvo u kojem živimo. Tu priliku imamo u danima pred nama i iskoristimo je na pravi način. Tako ćemo naše probleme lakše rješavati i mirnije i putovima naše sudbine. Zato pozivam sve u našoj domovini da složno radimo na podizanju naših porodica, odgajanju naše djece i očuvanju našeg zajedništva. Vratimo istinske vrijednosti morala, međusobnog poštovanja i uvažavanja u našoj porodice. Potrudimo se svi da našoj djeci pružimo lijep odgoj i dobro obrazovanje, kako bi i oni sutra cijenili vrijednosti zajedništva i života koje stoljećima baštiniamo. Braćo i sestre. Svima vama u domovini Bosni i Hercegovini, u Hrvatskoj, Sloveniji, Srbiji i dijaspori, želim sretno i berićetne bajramske dane. Provedimo ih s porodicom, rodbinom, prijateljima i komšijama. Neka bajramska radost ispuni naša srca i u naše porodice i domove. Bajram šerif mubarek olsun!"

Izvor vijesti: islamskazajednica.ba